

C A V C I.

Cauci.



AVCI, quæ item gens erat maritima Germaniæ proxime Menapios habitarunt, non eo intervallo quo in Germania dissi. Horum fuit maritima illa regio, quam O Toli & Birni

O Tooles.
Birni.

Hibernicæ familiæ incolunt, homines scelere & sanguine pasci, quietis impatientes, & qui locorum præsidio freti, animo erga leges pervicaci, erga Anglos implacabili. Ad quorum audaciam comprimendam & legum auctoritatem constabiliendam, ut hæ regiunculæ in Comitatus formam redigerentur, serio per viros prudentissimos agitatum fuit Anno M D LXXVIII, & in sex Baronias limitibus constitutis descriptæ, quæ Comitatum de Wicklo vel

Arcklo.

Arcklo constituerent. Præcipui enim nominis hic locus est, castrumque Comitatus Ormondæ, qui se Dominos de Arcklo inter titulos honorarios scribunt: sub quo fluvius ille qui OVOCA Ptolemæo mare illabitur, & ut habet Giraldus Cambrensis, non minus influentibus, sinumque replentibus, quam elapsis omnino marinis aquis, innata dulcedinis saporem retinens illibatum usque in ipsum mare impermixtas salsedine undas conservat.

COMITATVS DVBLINENSIS.

The Countie of

D I V E L I N.



Ltra CAVCOS egerunt EBLANI, ubi nunc Comitatus Dublinensis, qui ab Ortu mari Hibernico totus alluitur, ab Occasu Comitatu Kildariæ definitur, ab Austro regiunculis O Tooles

Glynnes.

rum & Birnorum, & quas Glynnes dicunt conjungitur, à Septentrione Comitatu Midie & Nanny rivulo terminatur, gleba ad fruges fertili, & quæ lætissima profundit pabula, omnium animalium genere quæ venatu & aucupio ad cibum capiuntur, abundans; sylvis plerumque ita nuda ut cespite bituminoso vel fossili ex Anglia carbone plerumque utatur. In Australi parte quæ incultior, & dorso satis nemoroso hinc inde exsurgit, cui valles Glynnes appellatæ subsident cavæ & arboribus opacæ, omnia infestant perniciosæ duæ tribus O Tooles & O Birnes. Glandilough Episcopatus inter has valles cernitur, sed desolatus, ex quo Archiepiscopatus Dublinensi fuerit adjunctus. Cætera hujus Comitatus incolis & oppidis sunt refertissima, provinciisque Hiberniæ reliquis diviti cultu ac quodam peculiari nitore præcellit, & in quinque distincta Baronias, scilicet Rathdown, New-castle, Castle-Knoc, Cowloc & Bal-rodry, quas tamen, quod velim, sigillatim percurrere non possim, Hibernia.

Diviso
hujus Co-
mitatus.

cum earum metæ sint mihi minime notæ. Oram igitur tantum maritimam primum legam & deinde ut fluminum decursus me ducunt, interiora invisam, nec enim ulla hujus pars xx mill. pass. littore abest. Primo se exhibet hac in orâ ut à Meridie incipiam, Wicklo, ubi portui angusto impendet rupes firmis mœnibus inclusa pro castro cui ut nonnullis aliis hujus regni castris auctoritate Parliamentaria nemo nisi natione Anglus præfici possit Constabularius, quia Reipub. malo Hibernici qui præfuerunt & male defenderant & incarceratos evadere quadam conniventia permisserant. De hoc portu audi Giraldum qui Winchilgillo vocat. Est portus apud Winchilgillo eo latere Hibernia quo proximius Wallias respicit, qui in generali maris refluxu undas recipit influentes, in reversione vero fluctuum, quas recepit, emittit; quumque jam sinum elapsis undis refluxum mare deserit, per omnem tamen anfractum continua salsedine fluvius influens amaricatur.

Wicklo,
modo
Comita-
tus institu-
tus 1606.

New castle, id est, Novum Castrum, inde è colle mare prospicit, viditque pulvinos arenarios, The Grounds vocant, longo tractu prætensos, inter quos tamen & littus aqua septem orgiis alta perhibetur. Qua Bray fluviolus paulo superius mare subit, Old Court cernitur possessio Wallensium sive Walsbes de Caryckmain, quorum ut nobilitas antiqua, ita familia hoc tractu numerosa. Proximum huic est Powers Court, olim, ut ex nomine videre est, Poeriorum, amplum sane castellum donec Tederlachus sive Tir-lough O Toole cum defecisset, subrueret. A Braii ostio littus ut sinum admittit, se inflectit, & ad ipsum cubiti flexum insulula S. Benedicti quæ ad Archiepiscopum Dublinensem spectat ob-jacet. Hic sinus Dublin haven dicitur, in quem Liffius aquas suas invehit nobilissimus hujus Comitatus fluvius, qui licet xv ab ostio mill. pass. fonte suo effusus anfractuosis tamen ita se flexibus circumducit ut primum in Meridiem per S. Patricii terram, inde in Occasum, postea in Septentriones Comitatum Kildariensem perfundens, demumque in Ortum conversus per Castle-Knoc Baroniam olim Terillorum, quorum hæreditas per foemellas ad alios circa annum MCCCLXX devoluta, & per Kilmainam quod olim fuit Militum S. Ioannis Hierosolymis, nunc, in secessum Proregum conversum. Liffius hic proculdubio à Ptolemæo memoratur, verum Librariorum incuria suo loco exulat. LIBNIVS enim fluvius eadem plane Latitudine ad alteram insulæ partem, ubi nullus ejusmodi fluvius, in Ptolemæi exemplaribus statuitur, sed de exilio, si placeat, ad suam EBLANAM, jam postliminio redeat, & habeas, si placeat, hosce Nechami de isto flumine versiculos:

Groun-
des.Old
Court.Powers
Court.Liffy flu.
Giraldus
Aven-
Liff.

Viscera Castle-Knoc non dedignatur Aven-Liff,
Istum Dublini suscipit unda maris.

H

Ad